



Komunikado

19 di òktober 2023

Cft: "Ankra mehorashon"

Kralendijk – Kolegio Ehekutivo di Bonaire ta pará dilanti di e tarea importante di ankra e mehorashonnan ku a keda realisá riba tereno di maneho finansiero, strukturalmente den e organisashon di e entidat públiko. Esaki Kolegio di supervishon finansiero Bonaire, Sint Eustatius i Saba (Cft) a enfatisá den kòmbersashon ku Kolegio Ehekutivo di Bonaire. Den e kuadro aki fortifikashon di e kapasidat ehekutivo ta un tema krusial.

Den e último añanan Bonaire a tuma algun paso importante pa fortifiká e maneho finansiero. Komiensu di aña e esfuersonan di e entidat públiko a keda koroná ku un deklarashon aprobatorio di akountent pa e kuenta anual di e aña presupuestario 2022. Cft a animá e Kolegio Ehekutivo pa fortifiká e funshon finansiero den e organisashon kompleto, pa asina garantisá ku por mantené e deklarashon aprobatorio.

Aki Cft a ekspresá su preokupashon tokante di e limitashonnan di e entidat públiko su kapasidat di ehekushon. E limitashonnan en kuestion ta keda reflehá tambe den ehekushon di presupuesto di 2023. For di e sifranan di realisashon di promé semester di 2023 por opservá ku un biaha mas Bonaire ta bai realisá un surplus, miéntras ku e presupuesto aprobá tin komo punto di salida un défisit pa 2023.

Proyekto di presupuesto 2024

Cft a papia tambe ku Kolegio Ehekutivo tokante e proyekto di presupuesto di 2024. Cft a konstatá ku satisfakshon ku Bonaire, despues di a presupuestá pa algun aña un défisit, awor a presentá un presupuesto balansá di mas aña. E manera ku Bonaire ta kalkulá e sosten spesial (bijzondere uitkering) den e presupuesto, na opinion di Cft ta sigui ta un punto importante di atenshon. Bonaire ta inkluí solamente sosten spesial struktural den e presupuesto, loke no ta brinda un imágen eksakto di e tamaño real di e presupuesto. Esei no solamente ta limitá kapasidat di e presupuesto pa por duna direkshon, pero tambe e ròl di Konseho Insular pa fiha kuadro na momento ku e ta aprobá e presupuesto.

[Fin di komunikado]

Foto:

Cft

Teksto pa foto:

Bonaire ta presentá un presupuesto balansá di mas aña.

Nota pa redakshon – no pa publikashon

Kontakto na Cft:

Sekretariado Kolegionan di supervishon finansiero

Telefòn +5999 461-9081 / +5999 461-9082 / +5999 461-9084

Email info@cft.cw

Website www.cft.cw

Persona di kontakto pa prensa:

Jefka Alberto

Telefòn +5999 512-6861